

保定府志卷五十一

列傳五

仕績二

武略分見

遼

杜防涿州歸義縣人

今雄縣

開泰五年擢進士甲科累遷起居郎

知制誥人以為有宰相器太平中遷政事舍人拜樞密副使重熙九年夏人侵宋宋遣郭禛來告請與夏和命防使夏解之如約罷兵各歸侵地拜參知政事韓紹芳劉六符忌之防待以誠十二年紹芳等罷愈見信任十三年拜南府宰相防生子帝幸其第賜名王門努以進奏有誤出為武定軍節度使十七年復召為南府宰相二十一年秋祭仁德皇后詔儒臣賦詩防為冠賜金帶道宗諒陰為大行皇帝山陵使清甯二年帝諭防曰朕

保定府志

卷五十一

仕績 遼

一

以鄉年老嗜酒不欲煩以劇務朝廷之事總綱而已頃之拜右

丞相加尚父卒贈中書令諡曰元肅子公謂終南府宰相

遼史

按續通志興宗紀重熙十六年出防為武定節度使十七年召復任本傳作十四年今據此改正

王棠涿州新城縣人博古善屬文重熙十五年擢進士鄉貢禮

部廷試對皆第一累遷上京鹽鐵使或誣以賄無狀釋之遷東

京戶部使太康二年遼東饑民多死請賑恤從之三年入為樞

密副使拜南府宰相大安末卒棠練達朝政臨事不怠在政府

修明法度有聲

遼史

金

高有鄰字德卿遂城人

今安肅

父飛狐令某嘗尉南和以公事活

千餘人有鄰實生是邑數歲入小學州將為子娶婦驂御盈路

同舍兒競觀之有鄰讀書自若也大定三年第進士歷州縣為

尚書省令史時相議詘詞賦專明經有鄰以賦有諷諫之義反覆詰難竟得不罷擢第者廷試時務策亦自有鄰發之明昌初遷安國軍節度使泰和中使宋還拜工部尚書致仕卒有鄰孝友廉介長於吏事所至興學校敦風化以儒雅自飭者舊至今稱之子崑字士瞻第進士季子疑字士美以才拔爲樞密院都事正大初監察御史最知名

中州集

金亡入燕喪子感疾而卒

安肅

縣志

崔秉仁安州人明昌四年有司舉德行才能之士以秉仁爲首

章宗賜進士出身

安州志

王擴字充之中山永平人

今完縣

祖某仕爲縣功曹國初籍新附

之民畀以符契使復舊業歸附後時或先服後叛者則別籍次第拘僇將及永平功曹輒焚其籍以滅迹所活無慮數千人因

保定府志

卷五十一

仕績 金

二

改服儒業五子皆教之宦學三子繼登上第而仕亦達父邦用仕至同知安國軍節度使事擴幼嗜學甫冠從鄉賦卽有聲時輩無不推伏擢明昌五年甲科釋褐鄧州錄事朝廷更定律令留擴不遣再調懷安令

遺山文集

猾吏張執中誣敗二令擴到官執

中挈家避去

金史

廉舉徐州觀察判官召補尚書令史考滿授同

知德州防禦使事山東旱賑貸東平諸郡人受實惠豪猾不得資緣爲奸棣州饑尤甚輒例外給之平章政事張萬公宣撫濟南以德博多盜檄擴總諸郡兵討捕

遺山文集

行章邱道中遇一男

子舉止不常捕訊果歷城大盜也眾以爲有神

金史

泰和八年擢

拜監察御史是夏旱甚詔出諸御史分理冤獄異時審讞者專以未減爲事殺人者亦出貨之

遺山文集

擴謂同輩曰生者旣從讞

地下之冤云何

金史

因力革前弊時議皆稱平使還言三劾設三

司不便優詔褒諭特遷兩階大安三年授同知橫海軍節度使  
事貞祐初改簽河東北路按察司事遺山文集二年上書陳河東守  
禦策書奏不見省金史以保完太原功進大中大夫本路按察撫  
使兼同知轉運使事明年召爲行省尙書戶部侍郎尋擢河南  
路都轉運使河北苗道潤求封爵宰相高琪持不可議以它辭  
卻之宣宗問擴當何如奏曰帝王以天下爲度何可逆詐我雖  
欲勿許彼時威令不能及將何所不爲不若因而封之宣宗顧  
謂高琪曰王擴與我意合其亟行之大府監歐里白以御膳羊  
瘦瘠被詰問白跪奏御羊瘦瘠轉運使不加意而然帝復問擴  
擴進曰大駕初到人心未安宜省費以示儉德比以一羊肥瘠  
紛紛不已以至庭辨天下知者以爲有司不職而不知者將以  
陛下日以自奉爲急耳其於聖德將無少損乎帝忻然曰卿言  
保定府志

卷五十一

仕績 金

三

是矣擴一日以事入省適高琪自閱御羊及校計鶉鴿水食問  
之故高琪言聖上焦勞過甚全藉膳羞資養精力安敢不備肥  
好擴折之曰膳夫之事何至宰相親臨高琪默然銜之遺山文集有

司奪市人衣以給往戍潼關軍士京師大擾擴白宰相請三日

造之高琪怒不從潼關破元兵至近郊遣擴行六部事規辨潼

關芻糧戶部員外郎張好禮往商虢過中牟不可進高琪奏擴

畏避金史卽付刑曹有司希高琪旨當以軍法後至入絞刑奏上

宣宗曰十日軍還十三方差王擴行何得如此定罪其審議之

踰月高琪又執前奉帝知擴無罪而重違宰相意止褫一階興

定元年特起遙領隴州防禦使行六部侍郎規運泰鞏軍儲踰

月宣權陝西西路轉運使前政喬世權子實趙伯成子女號爲

稱職擴舉動有法掾屬奔走從事無敢後者人謂子實寬緩欲

爲不忍欺子女周密欲爲不能欺皆未必能然獨王公之不敢欺爲有徵云二年遷陝西東路轉運使依前行六部尙書尋遷嘉議大夫致仕三年卒於家諡剛敏子三人長元慶仕爲歸德行六部郎中次未名而卒次元亨業進士擴學業富贍器量宏博嘗四赴廷試每舉進士未嘗不爲考官臨事有幹局雖在細務亦無不經意遺山文集然性梗直不容物以是不振於時云 欽

定續通志

按貞祐初改簽河東北路金史作大安中中州集作崇慶初又陝西西路轉運使金史作陝西東路又諡剛敏金史

作諡剛毅

趙思文字庭玉永平人

今完縣

明昌五年進士貞祐中從完顏福

興守燕都福興死奔詣南宮行宮擢侍御史出爲虢州刺史汝州防禦使遷金安集慶兩軍節度使所在鎮靜吏民賴之暇以

保定府志

卷五十一

仕績 金

四

詩酒爲樂好吹笛多著樂章爲人傳誦南渡後大夫有典郡之榮者不及也正大末召爲禮部尙書卒於官思文誠實樂易自少日有君子長者之目南狩以後與吏部趙思成禮部楊雲翼等皆稱完人三子敬叔介叔方叔歸潛志參中州集

按歸潛志趙思文中山人明一統志作平州人今據中州集改正

劉炳葛城人

今安州

每讀書見前古忠臣烈士爲國家畫策慮萬

世安輒歎息景慕貞祐三年中進士第卽日上書條便宜十事一曰任諸王以鎮社稷二曰結人心以固基本三曰廣收人材以備國用四曰選守令以安百姓五曰褒忠義以勵臣節六曰務農本以廣畜積七曰崇節儉以省財用八曰去冗食以助軍費九曰修軍政以習守戰十曰修城池以備守禦保障書奏宣宗異焉復試之曰河北城邑何術可保兵民雜居何道可知鈔

法如何而通物價如何而平炳對大略以審擇守將則城邑固  
兵不侵民則兵民和斂散相權則鈔法通勸農薄賦則物價平  
宣宗雖異其言而不能用但補御史臺令史而已金史

崔伯玉河間高陽人業進士有聲場屋問信安軍帥檄爲吏知  
管以才幹辟按察司議事遷提舉南河漕運時京師戒嚴河渡  
梗塞往往沈舟而去伯玉曲爲防制糧餉竟達未幾燕都失守

河朔郡縣相繼降沒伯玉與信安帥誓以死守以戰多累授驃  
騎衛上將軍遙領邢州節度副使卒年六十初伯玉喪父終身  
不茹葷肉事母尤謹及卒信安猶被圍乃僞爲殯竊骸而瘞之

人高其行元郝經崔氏世德銘

劉秉德容城人性安靜恬退與物無競貞祐間避地豫之許封  
山以教授爲業興定二年第進士累官至鄭州防禦判官明一統志

### 保定府志

#### 卷五十一

仕績 金

五

高夔字唐卿保州永平人今完縣第進士涖官有才譽南渡歷戶

部員外郎後遷尙書專治糧儲嘗巡行京東便宜行事抵罪詔  
釋之天興初爲翰林學士亂後北遷還鄉卒歸潛志

劉彥溫清苑人爲唐縣簿事尙寬簡不假刑威興學校勸農桑  
親儒士嚴號令民懷其德作去思碑頌之舊志

杜德遠定興人性通敏決事無滯授禮部員外擢監察御史吏  
部侍郎僉宣徽院事定興縣志

元

馮守道蠡州人今蠡縣中統二年進士任西臺御史風紀振肅直

聲大著蠡縣志

張季保定滿城人爲宜陽尹訪民休戚推誠勸勉不事鞭笞未  
幾野無惰農當金亡孔子廟廢季復構置延師儒擇民間子弟

教之風俗爲變

河南通志

按滿城縣志張理字道元尹宜陽事蹟皆同疑是一人理季二字必有一誤舊志分作二傳事蹟俱同似誤

苑德字順道清苑人

縣志作范德誤

剛毅有力金末領眾十五萬歸張

柔助築郡城有功復疏決舊渠引雞泉灌城中居民戴之

清苑縣志

翟文彬滿城人隸張柔麾下屢立戰功中統中佩金虎符鎮守

均州授南京安撫使

雍正通志

劉贊滿城人隸張柔麾下討賈瑀降郭收攻完州及西山諸寨

力戰有聲累官武略將軍

雍正通志

張宏略字仲傑易州定興人

從柔傳補

柔第八子也有謀略通經史

善騎射嘗從柔鎮杞徙亳乙卯入朝憲宗授金符權順天萬戶

從征蜀以其幼賜錦衣令還鎮柔致仕授宏略金虎符順天路

管民總管行軍萬戶仍總宣德河南懷孟等路諸軍屯亳者中

保定府志

卷五十一

仕績 元

六

統三年李瑄反求救於宋將夏貴貴自斬乘虛北奪亳滕徐宿

邳滄濱七州新蔡符離蘄利津四縣殺守將宏略率戰船遇之

於渦口貴退保蘄宏略發亳軍攻之水陸並進宋兵焚城宵遁

追殺殆盡獲軍資不可計盡復所失地李瑄既誅追問當時與

瑄通書者獨宏略書皆勸以忠義事得釋朝廷懲瑄叛逆務裁

諸侯權以保全之因解宏略兵職至元三年城大都佐其父爲

築宮城總管八年授朝列大夫同行工部事兼領宿衛親軍儀

鸞等局十三年城成賜內帑金釵瑋瑁卮授中奉大夫淮東道

宣慰使十四年宋廣王昺據閩廣時東海縣儲粟數萬行省檄

宏略將兵二千戍之仍命造舟運粟入淮安宏略顧民舟有能

載粟十石者與一石人爭趨之一月而畢十六年遷江西宣慰

使會饒州盜起犯都昌宏略使人直擣其巢穴生縛賦酋於市

餘黨潰散頃之以疾歸二十九年見世祖於龍虎臺賜以酒曰卿年未老謝事何爲特命爲河南行省參知政事元貞二年卒贈推忠佐理功臣銀青榮祿大夫平章政事上柱國蔡國公諡忠毅子三人玠瑾炎

元史炎字避諱改寫

張宏範字仲疇柔第九子也善馬槊頗能爲歌詩年二十時兄順天路總管宏略上計壽陽行都留宏範攝府事吏民服其明決蒙古軍所過肆暴宏範杖遣之入其境無敢犯者中統初授御用局總管三年改行軍總管從親王哈必齊討李璫於濟南璫旣誅朝廷懲璫專兵民之權故能爲亂議罷大藩子弟之在官者宏範例罷至元元年授順天路管民總管佩金虎符二年移守大名歲大水漂沒廬舍租稅無從出宏範輒免之帝曰知體其勿問六年括諸道兵圍宋襄陽授益都淄萊等路行軍萬

保定府志

卷五十一

仕績 元

七

戶佩金虎符戍鹿門堡以斷宋餉道且絕郢之救兵宏範建言曰國家取襄陽爲延久之計者所以重人命而欲其自斃也而其境南接江陵歸峽商販行旅士卒絡繹不絕甯有自斃之乎宜城萬山以斷其西柵灌子灘以絕其東則庶幾速斃之道也帥府奏用其言移宏範兵戍萬山旣城與將士較射出東門宋師奄至眾欲退宏範卽擐甲上馬立遣偏將李庭當其前他將攻其後親率二百騎爲長陣前後奮擊宋師奔潰八年築一字城逼襄陽破樊城外郭九年攻樊城流矢中其肘裹瘡見主帥曰襄樊相爲唇齒故不可破若截江道斷其援兵水陸夾攻樊必破矣樊破則襄陽無所恃從之明日出銳卒先登拔之襄陽旣下偕宋將呂文煥入覲賜錦衣白金寶鞍將校行賞有差十一年丞相巴延伐宋宏範率左部諸軍循漢江東略郢西南

攻武磯堡渡江宋相賈似道督兵阻蕪湖殿帥孫虎臣據丁家洲宏範轉戰而前諸軍繼之宋師潰長驅至建康十二年五月帝遣使諭丞相毋輕敵貪進宏範進曰聖恩待士卒誠厚然緩急之宜非可遙度今敵已奪氣正當乘破竹之勢取之豈宜迂緩使敵得爲計耶丞相然之馳驛至闕面論形勢得旨進師遂移次瓜洲宋都統姜才帥勁兵二萬人出楊子橋宏範佐都元帥阿珠禦之與宋兵夾水陣宏範以十三騎徑度衝之陣堅不動宏範引卻一騎躍馬揮力直趨宏範旋轡反迎刺之應手頓斃馬下其眾潰亂追至城南門斬首萬級餘蹂藉溺死者過半宋將張世傑孫虎臣等率水軍於焦山決戰宏範以一軍從旁橫衝之追至圖山之東奪艦八十艘俘馘千數上其功改亳州萬戶賜名巴圖從左丞董文炳由海道會丞相巴延次近郊入

保定府志

卷五十一

仕績 元

八

城取宋主降表來上十三年台州叛討平之十四年師還授鎮國上將軍江東道宣慰使十五年宋張世傑立廣王昺於海上閩廣響應俾宏範往平之授蒙古漢軍都元帥陸辭賜錦衣玉帶不受以劔甲爲請帝出武庫劔甲聽其自擇將行薦李恆爲已貳至揚州選將校水陸二萬分道南征以弟宏正爲先鋒宏正所向克捷進攻三江寨宏範令下馬治朝食若將持久者持滿者疑不敢動而他寨不虞也忽磨軍連攻數寨迴擣三江盡拔之至漳州軍其東門命別將攻南門西門乃乘虛破其北門拔之攻鮑浦寨又拔之瀨海郡邑皆望風降附獲宋丞相文天祥於五坡嶺使之拜不屈宏範義之待以賓禮送至京師獲宋禮部侍郎鄧光薦命子珪師事之十六年正月庚戌由潮陽港發舶入海至甲子門獲宋斥候將乃知廣王所在辛酉次崖山

宋軍千餘艘碇海中建樓櫓其上隱然堅壁也宏範引舟師赴之崖山東西對峙其北水淺舟膠非潮來不可進乃由山之東轉南入大洋始得逼宋舟甲戌李恆自廣州至授以戰艦使守北面二月癸未將戰或請先用礮宏範曰火起則舟散不如戰也明日四分其軍軍其東南北三面宏範自將一軍相去里餘下令曰宋舟潮至必東遁急攻之勿令得去聞吾樂作乃戰豫構戰樓於舟尾以布幙障之命將士負盾而伏命之曰聞金聲則起飛矢集如蝟伏盾者不動舟將接鳴金撤障弓弩火石交作頃刻并破七舟宋師大潰宋臣陸秀夫抱其主昷赴水死獲其符璽印章世傑走交趾嶺海悉平磨厓山之陽勒石紀功而還十月入朝賜宴慰勞未幾疾作病甚易衣冠扶掖至中庭面闕再拜退坐命酒作樂與親故言別出所賜劔甲命付嗣子珪

保定府志

卷五十一

仕績 元

九

曰汝父以是立功汝佩服忽忘也語竟端坐而卒年四十三贈銀青榮祿大夫平章政事諡武烈至大四年加增推忠效節翊運功臣太師開府儀同三司上柱國齊國公改諡忠武延祐六年加保大功臣加封淮陽王諡獻武子珪自有傳元史珪傳見後

按經世大典宋人以烏蛋船千餘艘大舟之北宏範夜操小艇帶勁兵潛取之船中皆海民不習戰攻殺靡遺即取烏蛋船載草乘風縱火宋預以泥塗艦懸水筒無數大船至鉤而沃之竟莫能燬乃與李恆畫圖定計本傳未載又按定興志張宏範河內村人元詩選改作河內人直與河內縣無別又武烈元詩選作武略考諡法無略字均有誤

焦德裕字寬父雄州人今雄縣父用仕金由束鹿令陞千戶守雄

州北門太祖兵至州人開南門降用力戰生獲之帝以其忠壯釋不殺復舊官循地山東未嘗妄殺一人年六十二卒以德裕貴追封恆山郡公諡正毅德裕通左氏春秋少拳勇善射從其舅解昌軍中金將武仙殺史天倪既敗走其黨趙貴王顯齊福

等保仙故壘數侵掠太行太宗擇廷臣有才辯者往招之揚惟中以德裕薦遂使真定降齊福擒趙貴王顯亡走德裕追射殺之其地悉平詔賜井陘北障城田中統四年賜金符爲閩蓬等處都元帥府參議宋臣夏貴圖宣撫使張庭瑞於虎嘯山實薪土塞水源人無從得飲帥府檄德裕援之夜薄貴營令卒各持三炬貴驚走追及鵝谿馘千人獲馬畜兵仗萬計陞京畿漕運使至元六年僉陝西道提刑按察使事八年轉西夏中興道按察副使十一年從丞相巴延南征授僉行中書省事遂從下安慶至鎮江焦山寺主僧誘居民叛丞相阿珠欲盡阬其徒德裕諫止之命德裕先入城撫定宋平賜予有加平章阿哈瑪特譖丞相巴延殺丁家洲降卒事奏以德裕爲中書參政欲假一言證成之德裕辭不拜久之復簽行省事十四年改淮東宣尉使

保定府志

卷五十一

仕績 元

十

淮西賊保司空山檄淮東四郡守爲應元帥特爾格邏得其檄卽械郡守許定國等四人使承反狀德裕言四人者皆新降將天子旣寵綏之有地有民盈所望矣方誓報効安有他覲以疑似殺四守甯知非反間耶盡復其官拜福建行省參知政事二十五年卒年六十九贈榮祿大夫平章政事追封恆國公諡忠

肅子簡餘姚州知州潔信州治中

元史

按焦德裕正定府志作廣平路井陘人

郭宏敬字彥禮易州定興人父彥成以醕謹勤力爲張柔所倚任嘗攝行元帥事宏敬性警敏美姿容讀書善射柔器之以女妻焉丁未授東鹿長庚戌遷易州太守壬子改完州易人以善政請復爲易州歲甲寅卒

元劉因郭公墓誌銘

按定興縣志彥禮作仲禮

賈文備字仲武祁州蒲陰人

今祁州

萬戶輔子

輔見雜傳

幼襲父一戶

職從張柔屯三河口備宋兵宋以雲梯攻戰卻之憲宗賜弓矢銀盃歲乙卯復令襲父左副元帥職兼領順天路中統二年陞開元府路女真碩達勒達等處宣撫使佩金虎符三年遷開元東京懿州等處宣慰使四年改萬戶領張柔所部軍屯亳州宋兵時鈔掠淮甸文備戰卻之至元二年加昭勇大將軍真定路總管兼府尹六年調衛輝路總管七年授西蜀成都統軍以疾不赴八年授宿州萬戶尋改河南等路統軍圍襄樊九年移蔡州兼水路漕運十一年復授萬戶漢軍都元帥領劉整軍駐亳州宋將夏貴知毫無備盛引兵來襲文備出奇邀擊大破之帝賜金織文段白金從丞相巴延伐宋抵郢州宋築二城夾江布戰艦數千艘軍不得進文備泛舟由淪河徑出大江攻武

保定府志

卷五十一

仕績

元

七

磯堡從阿珠先渡江大軍繼之遂取鄂漢以功賜白金加昭毅大將軍守鄂州十二年從平章政事阿爾哈雅趨湖南至潭州城下文備冒鋒鏑傷右手流矢中左臂攻愈急宋臣李芾死之轉運判官鍾蜚英等以城降十三年加昭武大將軍守潭州十四年衡永彬等郡寇發討平之十五年進鎮國上將軍湖南道宣慰使徇瓊崖等州及廣東瀕海諸城追宋衛王昺十六年召還拜淮東宣慰使加金吾上將軍鎮慶元十八年後授都元帥二十年改江東宣慰使討建甯盜黃華二十二年拜荆湖占城行中書省參知政事二十三年改湖廣行省參知政事二十四年致仕後十七年以疾卒延祐四年贈江西等處行中書省左丞追封武威郡公諡莊武

元史

王實喇

原作音刺

保定人初事世祖以其有勇略遂賜名實喇巴圖

從攻釣魚山及額埒布格累功賜金符授武衛親軍千戶中統三年從征李壇於濟南屢捷四年元帥阿珠駐兵河南遣實喇將蒙古漢軍復立宿州至元六年賜虎符升海州萬戶引兵攻鹽林山寨多所俘獲十年授東川行樞密院同僉十五年征夔府有功十六年從鎮萬州卒於軍子二曰宏曰甯宏先佩金符爲左衛千戶及樞密院擬甯襲武職甯讓其兄宏於是授宏中衛都指揮使佩父虎符而以甯代宏爲千戶佩金符甯從阿爾台哈達遜北征追擊託克托穆爾之軍于阿納爾圖原作阿師納禿阿師還復從和爾果斯北征有功升右衛親軍總管後改前衛都指揮使司僉事子處恭襲宏職仕至侍御史元史

保定府志

卷五十一 仕績 元

天文律歷無不精究年九十二卒恂性穎悟三歲家人示以書帙輒識風丁二字十三學九數輒造其極歲己酉太保劉秉忠北上途經中山見而奇之及南還從秉忠學於磁之紫金山癸丑薦之世祖召見於六盤山命輔導裕宗爲太子伴讀中統二年擢太子贊善三年裕宗封燕王守中書令兼判樞密院事敕兩府大臣凡有咨稟必令恂與聞初中書左丞許衡集唐虞以來嘉言善政爲書以進世祖令恂講解且命太子受業焉又詔恂於太子起居飲食慎爲調護非所宜接之人勿令得侍左右恂言太子天下本付託至重當延名德與之居處况兼領中書樞密之政詔條所當徧覽庶務亦當屢省又言官吏以罪免者毋使更進軍官害人改用之際尤不可非其人民至愚而神變亂之餘吾不之疑則反覆化爲忠厚帝深然之恂早以算術名

裕宗嘗問焉恂曰算數六藝之一定國家安人民乃大事也每侍左右必發明三綱五常爲學之道及歷代治忽興亡之所以然又以遼金之事近接耳目者區別善惡論著得失上之裕宗問以心之所守恂曰許衡嘗言人心如印板板本不差則雖摹千萬紙皆不差本既差則摹之於紙無不差者詔擇勳戚子弟使學於恂師道卓然及從裕宗撫軍青海乃以諸生屬之許衡及衡告老去復命恂領國子祭酒國學之制實始於此帝以國朝承用金大明歷歲久寢疏命恂釐正恂薦許衡能明歷之理詔赴闕命領改歷事官屬悉聽恂辟置恂與衡及楊恭懿郭守敬等徧考歷書四十餘家晝夜測驗創立新法參以古制推算極爲精密至元十六年授嘉議大夫太史令十七年歷成賜名授時歷頒行天下十八年居父喪哀毀日飲勺水帝遣內侍慰

保定府志

卷五十一

仕績 元

三

諭之未幾卒年四十七延祐二年贈推忠守正功臣光祿大夫司徒上柱國定國公諡文肅子寬賓並從許衡游得星歷之傳於家學裕宗嘗召見語之曰汝父起於書生貧無資蓄今賜汝鈔五千貫用盡可復以聞恩恤之厚如此寬由保章正歷兵部郎中知蠡州賓由保章副累遷祕書監

元史

按名臣事略王恂中山安喜人資簡重不妄言笑雖權貴未嘗假以辭色既與許衡同太史院謂人曰先賢吾不得而見之今得許公可矣卒之日天下痛悼焉又按元史攷異恂大父順元贈太常少卿中山郡公諡安定父良贈昭文館學士中山郡公諡端慤

劉好禮字敬之汴梁祥符人父仲澤金大理評事遙授同知許州徙家保定之完州今完縣好禮幼有志知讀書通國言憲宗時廉訪府辟爲參議歲乙卯改永興府達嚕噶齊至元元年以侍儀廉希逸薦召見言舉人材數事稱旨五年應詔建言凡有司

奏請宜先啟皇太子俾得閱習庶政以爲社稷生民之福陝西重地宜封皇子諸王鎮之創築都城宜給直以市民地選格不宜以中統三年爲限後事者不錄帝是其言敕中書省施行七年遷伊蘭州等五部斷事官伊蘭距京師九千餘里民俗不知陶冶水無舟航好禮請工匠於朝以教其民迄今稱便或言榷鹽酒可以佐經費好禮曰朝廷設官要荒務以綏遠甯欲奪其利耶言者慚服十年北方諸王叛執好禮軍中其大將以好禮善應對釋之十六年春叛王召好禮至欠欠州曰皇帝疑我至有今日好禮曰不疑果疑王召王至京師肯還之耶明年好禮率眾走別部守阨以待兵至遇叛王軍迫好禮西踰雪峩嶺好禮自度踰是則無望其還遂以衣服賂叛王千戶始獲東出鐵壁山口間道南走數日從者繼至且干人中道糧絕捕獵以爲

保定府志

卷五十一 仕績 元

古

食七月至珠嚕海始與戍兵接得乘傳至昌州入見帝賜食與鈔十八年授嘉議大夫澧州路總管十九年入爲刑部尙書改禮部又改吏部二十一年出爲北京路總管再入爲戶部尙書二十五年卒年六十二子最爲河西隴右道肅政廉訪使元史

按河西志好禮爲奇爾濟蘇哈卜塔噶謙州益蘭州等處斷事官大修官庫置傳舍益蘭爲治所

尙文字周卿祁州深澤人後徙保定遂占籍焉文幼穎悟負奇志張文謙宣撫河東參政王椅薦其才辟掌書記至元六年始立朝儀太保劉秉忠言於世祖詔文與諸儒採唐開元禮及近代禮儀之可行於今者斟酌損益凡文武儀仗服色差等皆文掌焉七年朝儀成百官肄習帝臨觀之大悅遂爲定制擢右直侍儀使轉司農都事十七年出守輝州時河朔大旱輝獨以禱得雨境內大稔懷孟民馬氏宋氏誣伏殺人積歲獄不能決提

刑使者命文讞文推迹究情得獄吏獄卒羅織狀十九年進戶部郎中奏罷懷衛竹稅提舉司二十二年除御史臺都事行臺御史升大司農丞轉少卿遷吏部侍郎改江南湖北道肅政廉訪使三十二年召爲刑部尙書元貞初拜中臺侍御史時行臺御史及浙西憲司劾江浙行省平章不法者十七事遣文往詰之文以上聞平章御史各仗遣之元貞二年建言治平之世不宜數赦不急之役宜且停罷成宗嘉納授河北河南肅政廉訪使大德元年河渠志作三年河決蒲口臺檄文按視防河之策文建言長河萬里西來其勢湍猛至孟津而下地平土疏移徙不常失禹故道爲中國患不知幾千百年矣自古治河處得其當則用力少而患遲事失其宜則用力多而患速此不易之定論也今陳留抵睢東西百有餘里南岸舊河口十一已塞者二自涸者

保定府志

卷五十一

仕績 元

五

六通川者三岸高於水計六七尺或四五尺北岸故堤其水比田高三四尺或高下等大概南高於北約八九尺隄安得不壞水安得不北也蒲口今決干有餘步迅速東行得河舊瀆行二百里至歸德橫隄之下復合正流或強湮遏上決下潰功不可成揆今之計河北郡縣順水之性遠築長垣以禦泛濫歸德徐邳民避衝潰聽從安便被患之家宜於河南退灘地內給付頃畝以爲永業異時河決他所者亦如之信能行此亦一時救患之良策也蒲口不塞便朝廷從之會河朔郡縣及山東憲部爭言不塞則河北桑田盡爲魚鱉之區塞之便帝復從之明年蒲口復決塞河之役無歲無之自後水北入復河故道竟如文言三年調山東憲使行省參知政事行御史臺中丞七年召拜資善大夫中書左丞浙西饑發廩不足募民入粟補官以振之山

東歲凶盜賊竊發出鈔八百五十餘萬貫以弭之選十道使者  
奏請巡行天下問民疾苦又奏斥罷南方白雲宗與民均役因  
疾告歸十年拜昭文館大學士中書右丞商議中書省事召不  
起武宗仁宗之世屢延致訪以國事賜燕及金帛有加進階自  
光祿大夫轉銀青榮祿大夫仍中書左丞丐還田里延祐六年  
拜太子詹事使三往乃起仁宗命盡言以教太子待以殊禮泰  
定三年以中書平章政事致仕明年卒年九十二元史追封齊國

公諡正獻

富珠哩神尙  
公神道碑

按元史攷證河北原作河西攷元文類及元史類編俱作  
河北以上下文義按之俱作河北今據攷又按元史攷證  
左丞原作右丞考成宗本紀大德七年以  
行臺御史中丞尙文爲中書左丞今據攷

史弼字君佐一名塔爾琿蠡州博野人曾祖彬有膽勇穆呼哩  
兵南下蠡守閉城自守彬率鄉人數百家請降穆呼哩書帛爲

保定府志

卷五十一

仕績 元

七

符遣遠旣而州破獨彬與同降者得免弼長通國語膂力絕人  
能挽強弓里門鑿石爲獅重四百觔弼舉之置數步外潼關守  
將王彥弼奇其材妻以女又薦其材勇於左丞相耶律鑄弼從  
鑄往北京近侍和爾台見弼所挽弓以名聞世祖召之試以遠  
垛連發中的令給事左右中統未授金符管軍總管命從劉整  
伐宋攻襄樊至元十年諸將分十三道圍樊城弼攻東北隅凡  
十四晝夜破之升懷遠大將軍副萬戶從丞相巴延南征攻沙  
洋堡飛矢中臂卒破之事聞賜金虎符至陽羅堡巴延誓眾曰  
先登南岸者爲上功弼率健卒直前宋兵逆戰奮呼擊走之巴  
延登南岸論弼功第一進定遠大將軍鄂州平進軍至大孤山  
風大作弼禱之立止兵駐瓜洲巴延授弼三千人立木堡據楊  
子橋弼遽以數十騎抵揚州城宋將姜才以萬眾乘夜來攻人

挾束薪填塹弼戒軍中無譁俟其至下柵木發礮石擊之殺千餘人才敗走才復以兵夜至會援兵至大破之才奔秦州制授昭勇大將軍揚州路總管府連嚕噶齊兼萬戶冬遷黃州等路宣慰使十五年入朝升中奉大夫江淮行中書省參知政事行黃州等路宣慰使盜起淮西司空山弼平之十七年平南康都昌盜江州宣課司稅及民米民罷市弼立止之十九年改浙西宣慰使二十一年改淮東宣慰使弼三官揚州人刻石頌之號三至碑遷僉書沿江行樞密事鎮建康二十六年平台州盜楊鎮號拜尙書左丞行淮東宣慰使入朝時世祖欲征瓜哇二十年遙授尙書省左丞行浙東宣慰使平處州盜二十九年拜榮祿大夫福建等處行中書省平章政事往征瓜哇以伊克默色原作亦黑迷迭高興副之付金符百五十幣帛各二百以待有功弼

保定府志

卷五十一

仕績 元

七

以五千入合諸軍發泉州風急濤湧舟掀簸士卒皆數日不能食過七洲洋萬里石塘厯交趾占城界明年至東董西董山牛崎嶼入混沌大洋橄欖嶼假里馬答勾闌等山駐兵伐木造小舟以入時瓜哇與鄰國葛郎搆怨瓜哇主哈只葛達那加刺已爲葛郎主哈只葛當所殺其壻土罕必闍耶攻哈只葛當不勝退保麻喏八歇聞弼等至遣使以其國山川戶口及葛郎國地圖迎降求救弼與諸將進破葛郎兵哈只葛當走歸國高興言瓜哇雖降儻中變與葛郎合則孤軍絕事不可測弼遂分兵三道攻葛郎至答哈城葛郎兵十餘萬迎敵自旦至午葛郎兵敗入城自守遂圍之哈只葛郎出降併取其妻子官屬以歸土罕必闍耶乞歸易降表及所藏珍寶入朝弼與伊克默色許之遣萬戶敦珠卜丹甘珠爾布哈原作甘州不花以兵二百獲之還國土罕